

ACTA DA SESIÓN EXTRAORDINARIA QUE CELEBROU O PLENO DA CORPORACION O DÍA 27/02/2019, EN PRIMEIRA CONVOCATORIA.

ASISTENTES

Concelleiros

Partido dos Socialistas Galicia-Partido Socialista Obrero Español (PSdeG - PSOE)

José Marcote Suárez
Soledad Vilela Romero
Alexandre Domínguez Lado
María Rocío Mariño López

Concelleiros

Partido Popular (PP)

José Manuel Traba Fernández
Daniel Juan Benlloch Rivas
Santiago Insua Esmoris-Recamán
María del Rocío Marcote Canosa

Bloque Nacionalista Galego (BNG)

Xan Carlos Sar Oliveira
Teresa Fernández Martínez

Converxencia Galega

Juan Agustín García Pouso

Secretario

José Ramón Lema Fuentes

ORDE DO DÍA

- 1º.- Aprobación, se procede, borradores Actas das sesións anteriores.-**
- 2º.- Plan Xeral de Ordenación Municipal de Fisterra.-**
- 3º.- Modificacións Xunta ó Acordo Regulador de Funcionarios.-**

Na Vila e Termo municipal de Fisterra, Partido Xudicial de Corcubión sendo ás 20:00 horas, do día 27/02/2019, reúnense no Salón de Sesións da casa do concello baixo a Presidencia do Sr. Alcalde, José Marcote Suárez, os Srs. e Sras. que na marxe se expresan, coa finalidade de celebrar a Sesión Extraordinaria do Pleno da Corporación en primeira convocatoria, coa seguinte:

Antes de comezar, o Sr. Alcalde pon en coñecemento dos membros corporativos o retiro do asunto previsto no punto 2º da Orde do día relacionado co Plan Xeral de Ordenación Municipal de Fisterra, todo elo de conformidade ao previsto no artigo 91 do Real Decreto 2568/1996 do 28 de novembro co que se aproba o Regulamento de Organización, Funcionamento e Reximen Xurídico das entidades locais.

1º.- Aprobación, se procede, borrador Acta da sesión anterior.

- Deisaxe sobre a mesa a do día 4 de Febreiro de 2019 ao non terse redactado.-

2º.- Plan Xeral de Ordenación Municipal de Fisterra.-

Queda retirado.-

3º.- Modificacións Xunta ao Acordo Regulador de Funcionarios.-

A vista do requerimento efectuado por parte da Secretaría Xeral de Emprego da Consellería de Economía, Emprego e Industria da Xunta de Galicia en relación con distintos artigos do acordo regulador e vista a acta formulada por parte da comisión negociadora do 2º acordo regulador do persoal funcionario ao servizo do Concello de Fisterra que consta no expediente, **o Pleno da Corporación por unanimidade dos asistentes acorda:**

1) Aceptar dito requerimento nos términos asinados en dita acta co seguinte contido:

Primeiro.- Do mesmo xeito, seguindo as indicacións citadas, acórdase a remisión dun novo texto asinado en todas as páxinas, en pdf, da presente acta, na que se recollen os cambios que esta Comisión negociadora acorda nesta reunión e que se reflicte nos seguintes puntos.

Segundo.- Así mesmo, acórdase a remisión do texto íntegro do acordo regulador en formato Word, unha vez incorporadas as supresións, modificacións e/ou adicións, e modificación da numeración correlativa do articulado, que se reflicten na presente acta.

Terceiro.- En relación ás observacións de eliminación, emenda, etc que se indican no requerimento da Xefatura Territorial, en relación ao texto do acordo, no control previo de legalidade que realiza, aos efectos da publicación do mesmo, procédese a realizar as seguintes alegacións:

1.- Artigo 3. Ámbito persoal

Parágrafo segundo: Acéptanse os termos do requerimento e procédese a eliminar o parágrafo

2.- Artigo 11 Publicidade do acordo regulador.

Modifícase o texto do acordo, polo que o texto deste artigo é o seguinte: “Con independencia da súa aprobación polo Pleno Municipal, aos efectos da súa publicación no Diario oficial correspondente, procederáse conforme aos termos do artigo 2 do Real Decreto 713/2010, do 28 de maio, sobre rexistro e depósito de convenios e acordos colectivos de traballo, así como na Orde do 29 de outubro de 2010 pola que se crea o rexistro de convenio e acordos colectivos de traballo na

Comunidade Autónoma de Galicia, modificada pola Orde do 14 de marzo de 2013. O Concello, aseguraráse de que todos e cada un dos traballadores/as deste Concello dispoñan dun exemplar gratuito do acordo regulador e publicaráse na páxina web do concello”.

3.- Artigo 19.2 Regulación e xustificación de ausencias. Criterios de control e xestión. Aceptanse os termos do requerimento e procédese a eliminar os dous últimos parágrafos.

4.- Artigo 21.2 Calendario Laboral

Elimínase a festividade de Santa Rita (22 de maio) en tanto non está contemplada na normativa básica de aplicación.

Mantense o resto do artigo en tanto se considera que é axustado á normativa aplicable, e no exercicio das competencias e potestades que lle corresponde á Administración local, e ás partes lexitimadas para esta negociación, ademais de tratarse dunha redacción idéntica á que a propia Administración Autonómica aplica ao seu persoal funcionario e laboral, en desenvolvemento da Lei do Emprego Público de Galicia e que se contén na RESOLUCIÓN do 24 de febreiro de 2016, dá Dirección Xeral da Función Pública, pola que se ditan instrucións sobre ou réxime de vacacións, permisos e licenzas (DOG do 4 de marzo de 2016).

5.- Artigo 22.3 Xornada laboral. Xornada reducida no periodo de verán.

Atendendo aos termos do requerimento, modifícase o punto 3 do art. 22, quedando do seguinte xeito: “3.- Horario de verán: Durante o periodo establecido para cada ano pola Xunta de Galicia, establecerase no Concello de Fisterra a mesma adaptación ou diminución, no seu caso, a compensar nos meses restantes, nos termos que se estableza para a Administración Xeral do Estado”.

Cando polas características do servizo ou do posto de traballo, non sexa posible esta adaptación durante o periodo ordinario de verán, farase en termos análogos noutros periodos que así o permitan ao longo do ano”.

6.- Artigo 25. 16. a) Atendendo aos termos do requerimento, modifícase no acordo regulador a duración do permiso por parto que cambia de “*vinte semanas ininterrompidas*” a “*vinte e dúas semanas ininterrompidas*”.

7.- Artigo 2. 16. b) Atendendo aos termos do requerimento, modifícase no acordo regulador a duración do permiso por adopción ou acollemento que cambia de “*vinte semanas ininterrompidas*” a “*vinte e dúas semanas ininterrompidas*”.

8.- Artigo 28.6 Acceso

En base aos termos do requerimento, modifícase o punto 6º do art. 26, quedando do seguinte xeito: “Os Tribunais e/ou Comisións de Selección estarán integrados e axustaránse no seu funcionamento ao que establece o Real Decreto 5/2015, do 30 de outubro, polo que se aproba o Texto Refundido do Estatuto Básico do Emprego Público e o Real Decreto 364/1995, de 10 de marzo, polo que se aproba o Regulamento Xeral de ingreso do personal ó servizo da Administración Xeral do Estado e de provisión de postos de traballo e promoción profesional dos funcionarios civiles da Administración Xeral do Estado”.

9.- Artigo 39.4. Traballos de superior categoría e substitucións.

Aceptanse os termos do requerimento e procédese a modificar o artigo, tomando como referencia o Convenio Colectivo Único da Xunta de Galicia, quedando do seguinte xeito: “Artigo 15º.-Traballos de superior e inferior categoría

Ademais do establecido no artigo 39 do Estatuto dos traballadores, teranse en conta os seguintes principios:

1. A realización de traballos de categoría superior responderá a necesidades excepcionais e perentorias e durará o tempo mínimo imprescindible e o nomeamento corresponderá ao órgano competente.

2. A ocupación dun posto de traballo en réxime de desempeño de funcións de categoría superior non poderá exceder de seis meses consecutivos ou oito durante dous anos.

O límite temporal anterior non será aplicable cando non sexa posible a rotación con outros traballadores, por considerarse que non posúen os requisitos para o desempeño do posto.

A praza deixada vacante por estes/as traballadores/as ou polos/as seus/súas substitutos/as cubrirase por contratación temporal, de acordo co establecido neste acordo.

3. Os postos de traballo cubertos polo procedemento regulado neste artigo incluíranse, necesariamente, no primeiro concurso de traslados que se convoque, agás que a praza se atope reservada ao seu titular.

4. O simple desempeño dunha categoría superior, e sen prexuízo do abono das diferencias retributivas con respecto ao posto superior desempeñado, unha vez finalizado o desempeño, non consolidará o salario nin a categoría superior nin terá a consideración de mérito para o acceso pola quenda de promoción interna. O único procedemento válido para consolidar unha categoría superior é o de superar o correspondente proceso selectivo”.

10.-Artigo 47. Réxime de retribucións en procesos de baixa por incapacidade temporal. Atendendo aos termos do requerimento, modifícase no acordo regulador este artigo relativo ao Réxime de retribucións en procesos de baixa por incapacidade temporal, que queda coa seguinte redacción:

“O réxime retributivo aplicable en situacións de incapacidade temporal do persoal laboral incluído no eido de aplicación do presente Convenio, adecuarase aos criterios que a continuación se relacionan, sen prexuízo das adecuacións que proceda realizar como consecuencia das previsións e limitacións normativas vixentes, en cada momento, ao respecto desta materia.

Aboarase a todo o persoal ao servizo do Concello dende o primeiro día en situación de incapacidade temporal un complemento ata alcanzar o 100% das retribucións fixas que se veñan percibindo no mes de inicio da incapacidade temporal.

Igualmente, o persoal municipal tamén percibirá un complemento á prestación económica que perciba ata acadar o 100% das retribucións fixas, nas situacións de incapacidade temporal por:

- Risco por embarazo.
- Maternidade.
- Risco durante a lactación natural.
- Paternidade.

As devanditas situacións deberán ser acreditadas mediante a prescrición médica, parte de baixa ou calquera outro medio fidedigno da situación que a causa”.

11.- Artigo 50.2 b) Procesos de Funcionarización.

Acéptanse os termos do requerimento, e a eses efectos modifícase o apartado b) do art. 50.2, quedando do seguinte xeito: “Poderán participar neste procesos o persoal laboral fixo que á entrada en vigor da Lei 7/2007 do EBEP, estivese desempeñando funcións de persoal funcionario e cumpra os requisitos establecidos pola lexislación básica do estado e a autonómica que sexa de aplicación”.

12.- Artigo. 53. Acceso á formación.

Acéptanse os termos do requerimento, e a eses efectos, engádese ao final do primeiro parágrafo: “....., sempre que o tempo de asistencia a cursos se realicen dentro da xornada e horario de traballo.”

Cuarto,- Se procede á corrección dos anexos seguindo as indicacións da Xefatura territorial.

Quinto.- As partes proceden á firma dun novo texto íntegro do Acordo coas rectificacións aprobadas, a fin do seu envío para a inscrición, rexistro e publicación.

Sexto.- Facúltase solidariamente a calquera dos membros da comisión negociadora para que proceda aos actos de inscrición, rexistro e publicación no BOP, efectuando os trámites que sexan necesarios, incluída a presentación telemática.

2) Remitir certificación deste acordo a Xefatura Territorial de Emprego da Coruña para o seu coñecemento e demais efectos.

E non tendo máis asuntos de que tratar o **Alcalde-Presidente remata a sesión, ás 20:05 horas do día de hoxe, de todo o que como secretario, dou fe.**